

Krentont čiesou

Krėta čiesos i zelkuoriaus būti,
Mėnkās kousnės ėš vėišniū spūkeliū.
Rasint vielek mierava tēp būtė
Tas, kor Tėn? Lītaus ĩpjuovuom keliuom

Rīta ėštėistė delnā vėrp — tošti.
A ni uomėnas žvilgė tik suopė...
Kuol ož rūtėis — adīna plost bokšti,
Koš lėtanėjės kūlė soklopė

Kam? Neklausk... Neėgšėrsi ruokundas.
Tiktā vīzdiū pėlkoms gels lig kraujė...
Kuol atuodusės skundas, tebskundas
Piedas brīdie — i niekor. Par naujė

Nusmagiuotas žėnuojėma šokiem
Ka par omžios jau kėtėp — nebūtė...
Rast ėšmuokīsia, kuo nešėmuokiev
Būvi?... Neėšlieks gondrās rogpjūtie?

Katrou līgiuom dalīsio. I vedoms —
Tāva mona bovėma... Jok lauki?
Lėdas vėišniū kousnelė vės lėdas
Lig pleštėkė ont vejuos — tēp jaukė....

Krentont čiesou i zelkuoriaus būti —
Atmierouta dā būtė... Vės būtė...

Renata Kuršytė
2016